

უკრაინის საპატრიო პატრიარქი ფილარეტი - ტომოსს არ ვიღებთ, ჩვენ მისი შინაარსი არ ვიცოდით



უკრაინის მართლმადიდებელი ეკლესიის საპატრიო პატრიარქი ფილარეტი აცხადებს, რომ მსოფლიო საპატრიარქოს მიერ მინიჭებულ ტომოსს არ მიიღებს, რადგან მისი შინაარსი არ იცოდა. ამის შესახებ განცხადება ფილარეტმა უკრაინულ მედიასთან გააკეთა.

„ამ ტომოსს არ ვიღებთ, რადგან არ ვიცოდით ტომოსის შინაარსი. ეს რომ გვცოდნოდა, 15 დეკემბერს ავტოკეფალიას ხმას არ დავუჭერდით, რადგან არ გვსურს, ერთი დამოკიდებულებიდან, მეორეზე გადასვლა. მოსკოვის საპატრიარქო მოსკოვის ინტერესებს ემსახურება, ხოლო უკრაინის მართლმადიდებელი ეკლესია – ბერძნებს და ვინ უნდა ემსახუროს უკრაინას?“ – განაცხადა ფილარეტმა.

დღესვე უკრაინის საპატრიო პატრიარქმა განაცხადა, რომ კიევის საპატრიარქოს გაუქმებას არ ეთანხმება და 20 ივნისს იწვევს კრებას, რომელზეც უკრაინის მართლმადიდებელი ეკლესიის ავტოკეფალიას ოფიციალურად არ აღიარებს.

„ჩვენ მოვინვევთ კრებას და არ ვაღიარებთ იმ გადაწყვეტილებას, რომელიც 15

დეკემბერს გამართულ კრებაზე იყო მიღებული. შესაბამისად, ვაჩვენებთ, რომ კიევის საპატრიარქო იყო, არის და იქნება. კრებას 20 ივნისს გავმართვათ“, – განაცხადა ფილარეტმა.

მისივე თქმით, უახლოეს ხანში კიევის საპატრიარქო წერილს გაუგზავნის პრეზიდენტ ვლადიმირ ზელენსკის და კიევის საპატრიარქოს უკრაინის მართლმადიდებელი ეკლესიის მხარდაჭერას სთხოვს.

როგორც უკრაინული გამოცემა „უნიანი“ იუწყება, 15 მაისს ფილარეტმა განაცხადა, რომ უკრაინის მართლმადიდებელი ეკლესიის მიტროპოლიტმა ეპიფანემ და უკრაინის პრეზიდენტმა პეტრო პოროშენკომ ის მოატყუეს და დაარღვიეს მიცემული პირობა, რომ ტომოსის მიღების შემდეგ ფილარეტი უკრაინულ ეკლესიას ქვეყნის შიგნით უხელმძღვანელებდა, ხოლო ეპიფანე უკრაინის მიტროპოლიას საგარეო ასპარეზზე წარმოადგენდა.

– ლევან ახალაია / [1tv](https://www.1tv.ge)